


ياورين توركجه شعرلى



(14)

شرف شمعی

گل ای ساقی منی قویما گزیم میخانه میخانه
 سبوی عشقیده دولدور ایچیم پیمانه پیمانه
 کرامت ائیله ای ساقی منی سیراب ائله میدن
 بو آرزیمدور قالام میخانه ده مستانه مستانه
 منی بو بزمده سن آشنا فرض ائیله سن بسدور
 داھنی اولماز غمیم، بیلمزمنی بیگانه، بیگانه
 گدایم کوی عشقینده سنین، من بیر امیدیله
 قدم قویدوم حریم محفل مردانه، مردانه
 عدالت بارگاهیندا عریضه الده حیرانم
 منی گورسه دئیه ر عاقل گلیب دیوانه، دیوانه
 گنجه رویاده گوردوم بیر ایشیقلی شمعی یانمقدا
 دامیردی گوز یاشی دامانینه بیردانه بیردانه
 شرف شمعین سراغلاشديم سحر بیراهل معنی دهن
 دئدی دور گئت دولان آختار اونی کاشانه کاشانه
 گئدیب شامین دیاريinda اونی تاپدیم مشقتله
 ولی گوردوم اولوب قلبیم کیمی ویرانه، ویرانه
 دئدیم شمعین کناریندا یانیم پروانه تک منده
 چیخاندا جان جانیدان سویلیتم جانانه، جانانه
 بقاسیندان کئچه ر عاشق هراس ائتمز فناسیندان
 - یانیب منیلرجه پروانه ائدیب پروانه، پروانه
 طریق عشقده عاقل منی مجنون بیلر اما
 بصیره تله منه باخسا گوره ر فرزانه، فرزانه
 بیری سندهن سؤوال ائتسه ندهن عاشق یانار (یاور)
 دئن حقدهن آلیب یانمائلیغا پروانه، پروانه

شهادت مولای متقیان حضرت علی(ع)

تا سجدة عشقیندہ علی قانه بَلْنَدِی
 معناده هر انسان باشینا کوللر الَّنَدِی
 مولا دو توب او ز حَقَّه ساری بیرگویه با خدی
 شکر ائتدی او دَم خالق، آهی گویه قا خدی
 اولدو ز لارینین گوزیاشی گویدن یئره آخدي
 آی چی خدی هارایه که گونش قانه بَلْنَدِی
 چون گوردی علی کوفه نین اهلیندہ چیخار یوخ
 انسوس ائله دی آزدی آیق لیک یاتان چوخ
 بو مسئله دهن قلبینه مین دفعه ده ییب او خ
 بو درد علی ما یه اندوه و محندي
 او غلان لارینا ائلیله دی مولانچه ڻحبت
 بسوحالدا گینه ائتدی علی مهر و محبت
 بسیر با خدی حسین و حسنہ مهر امامت
 احسن دئدی مولا که حسینیم ده حَسْنَدِی

بیر خصم کیمی کوفه‌لی لر ائتدی عداوت
 يار او لمادی مولایه خلافتde بو امت
 مسجدde شهید اولدی علی اولدی عدالت
 بو فاجعه بیر او خ کیمی هر قلبی دلندی
 کاش قاتل اولیدی علی یه ضربه ووراندا
 يا گوزکور اولیدی علی قصدیله دوراندا
 ياقلبی ياتیدی او گئجه فتنه قوراندا
 بو کوفه عجب جایگه اهل فتندی
 جا هل دی کی مولامیزا طغیان ائله یبدور
 جا هل دی کی عاشورادا عصیان ائله یبدور
 جا هل دی کی آبادلیقی ویران ائله یبدور
 آیدین دی کی بايقو شلارا ویرانه وطندی
 افسوس اولا مولادا گئیدور آليمیزدهن
 دنیا ده آدی دوشمیه جاقدور دیلیمیزدهن
 مولا نظرین کسمه سین آنجاق ائلیمیزدهن
 کاش دوزلوق اولاتادیاق اللہ دا به یندی

یا مولا حسینین آدی گلدى بى مقالدا
 عالمده تاپىلماز اوّنا تاي فضل و كمالدا
 اول قىتلگىھىندن يازا بىلىسم بىر والدا
 همناله نواخوانى اوّنون ياس و سمندى
 افسوس جـفائيھ بـالان قـانـه بـويـانـدى
 اموالى اوـنـونـ غـارـتـ اـولـوبـ خـيمـهـسىـ يـانـدىـ
 گـلـشـنـدـهـ هـزـارـ نـالـهـسـىـ اـفـلاـكـهـ دـايـانـدىـ
 اـولـ دـشـتـ بـلاـ حـشـرـهـ كـيـمـىـ قـانـلـىـ چـمـنـدىـ
 دـاغـ دـاشـداـ قـانـ آـغـلـيرـ اوـنـونـ اـحـوالـيـتـهـ يـاـ ربـ
 الدـنـ گـئـدـنـ اـولـ شـوـكـتـ وـ اـجـلاـلـيـنـهـ يـارـبـ
 لـبـ تـشـنـهـ يـارـالـىـ بـالـانـينـ حـالـيـنـهـ يـارـبـ
 چـوخـ كـيـمـسـهـ بـولـورـ بـيرـ بـئـلهـ غـصـهـ نـدنـدىـ
 «ـيـاـورـ»ـ دـهـ بـوـيـوـكـ رـهـبـرـيـنـهـ فـخـرـ اـئـدرـ چـوخـ
 بـوـفـاجـعـهـ دـهـ قـلـبـيـنـهـ چـوـخـدـانـدـىـ دـيـيـبـ اوـخـ
 مـوـلاـسـىـ اوـدـورـ غـيـرـ اـزـ اوـ بـيرـكـسـ سـرـاغـىـ يـوـخـ
 بـيـرـ سـائـلـيـدـىـ بـارـگـهـ عـشـقـهـ دـيـلـنـدىـ

خلقت خانم زهرا(س)

عالم معنی ده گوز آچ خلقت زهرا یه باخ
 آدلانیب قرآندا کوثر شهرت زهرا یه باخ
 مصطفی کی احترامی واجب اولموش عالمه
 احترامین واجب ائتمیش، حرمت زهرا یه باخ
 دهرده اصل و نسب ده تکدی دخت مصطفی
 سسلی بیب ام آبی ها نسبت زهرا یه باخ
 شافع روز جزادرور امت پیغمبره
 بارگاه کبریاده عزّت زهرا یه باخ
 بیر توکون مولا بویوردی وئرمرم مین عالمه
 زرگر عشقین یانیندا قیمت زهرا یه باخ
 کردیگاریندان آلیب کردارینی خیر النساء
 معنویت عالمنده همت زهرا یه باخ
 گورنجه الجار و ثم الداره عامل دی او زی
 باخ دریندهن اوچ فکره نیت زهرا یه باخ
 طاعتی واجب بولوبور همسره دائم ائدب
 اوز ولی سیندهن اطاعت، طاعت زهرا یه باخ
 اورگه دیب حفظ حاجابی عالمن نسوانینه
 غرصه حجب و حیاده عصمت زهرا یه باخ
 دردینی گیزلتدی مولادهن تحمل ائتدی تا
 اولماسین مولا مکدر سیرت زهرا یه باخ

آرزو ائتدی جوانسلیقدا جانیندان آل چکه
 تا یئته پروردگاره رغبت زهرايە باخ
 بیر کسین جاه و جلالیندان اثر قالماز ولی
 تاقیامت عز و جاه و شوکت زهرايە باخ
 هر کسین وار آز یا چوخ غم غصە سیله مُشگلی
 اولسا چوخ درد و غمین گل محنته زهرايە باخ
 یو خدی دنیاده بیری زهراکیمی محنت چکن
 استقامت ساحه سینده حضرت زهرايە باخ
 «یاورا» قرآن سعادت یوللارین هموار ائدب
 سنه گل قرآن و راه عترت زهرايە باخ

کان کرامت

ای اولان عالمده عنوان کرامت یا حسین
 جمله ایمان اهلینه ائیله عنایت یا حسین
 آستانِ رحمتیندن کیمسه مأیوس اولمیب
 واردی چون سنده کرامت بی نهایت یا حسین
 هر کیم اخلاقیله گلسه بارگاه لطفووه
 هر ایکی دنیا تاپار عز و شرافت یا حسین
 بارگاهیندا اولوب شاهان غلام کمترین
 سائلم منده قاپیندا قیل کرامت یا حسین
 گل یاغ ای باران رحمت تشهدهی گلزار عشق
 لطف قیل سیراب ائله ای ابر رحمت یا حسین
 ای طبیب دردمندان عشقیوین بیماریم
 گلمیشم درمان آلام ائیله طبابت یا حسین
 صادق اولدون عهدیوه عشقینده اعجاز ائیله دین
 عشق اوزی سندن تاپیب الحق شرافت یا حسین
 تاقیامت قافله سالار دین و عشق سن
 معرفت اهلی تاپار سندن هدایت یا حسین
 آسمانِ عشقه سن سن آفتاب پر فروغ
 وئرمیسن منظومه عشقه صباحت یا حسین
 شافع روز جزاسان یاور اهل ولا
 حشرده درد اهلینه ائیله شفاعت یا حسین
 گرچه عاشورا گونی سوْلَدی عطشدن گوللرین
 لا له زاریندا گینه وار چوخ طراوت یا حسین
 وئرمیسن یئتمیش ایکی قربان شهید سرفراز
 ای اولان حیدر کیمی کان شهامت یا حسین
 بیر ایچیم سؤ وئرمه دی اطفالیوه جیش یزید
 بیلمه دی سنسن گینه بحر سخاوت یا حسین
 (یاور) مسکینه یا مولا اوژون ائتسن نظر
 هر ایکی دنیاسینا ائیلر کفایت یا حسین

گل طاها

چون گوردى اسیر غم هجراندی رقیه
 پروانه کیمی نار غمه یاندی رقیه
 آز عمریده چوخ گوردى شماتت گل طاها
 سیندیردی اونون قول قاتادین طعنہ اعداء
 صبر ائیله دی اول خیر دابلا رتبه ده والا
 چون عمه سی تک صاحب ایماندی رقیه
 زهرا بالاسی زهره رخشاندی ازلدن
 افلاكه گوزه لاختر تاباندی ازلدن
 طاها نوہ سی تحفہ جاناندی ازلدن
 ای اهل ولاء درگه احساندی رقیه
 ای چرخ ندن گورمه دی عمر وونده خوش ایام
 گلمز قلمه سایسیز اونون چکدیقی آلام
 آغلار بالانی عمه سی ائتسین نئجه آرام
~~لا گل کل کل~~^{لکل} عمه ن سنه قرباندی رقیه
 گوز یاشی اونون چشمہ چشمیندن آخرادی
 ویرانه ده هر دم یولا حسرتله با خاردی
 هجران شرری قلبینی شدّله یا خاردی
 قبر ای چره یقین ای مدیده گریاندی رقیه
 مظلومه نین عالمده اولان هرسوزی غمدی
 زائر لرینه درگه بی باب کرمدی

سوز گتیر میشم

سولماز گوللردن ادب با غیندان اولکه نین چنلى قارلى داغیندان
آتا بابامين اوره ک داغیندان بير چيمديك قدر دوز گتیر میشم

شعر يمله سيزه سوز گتیر میشم

كونلوم غميه آشيب داشيرى دائم منيله پيچيلدا شيري
هانسى دوستومى سرا غلاشيري اوره کدن سيزه اوز گتیر میشم

شعر يمله سيزه سوز گتیر میشم

ائللرين دردين دويوب بولموشم بعضاً آغلايب گاهдан گولموشم
گوزومون ياشين سيلب گلمىشم بولود تك ياشلى گوز گتير میشم

شعر يمله سيزه سوز گتیر میشم

اميد قايسين شيطان با غلادي سرداش گيزلىنده اووده آغلادي
يوكسک آرزوسي اوره ک داغلادي يانان اوره گه بوز گتير میشم

شعر يمله سيزه سوز گتير میشم

ائلين دردينى بولن آغلايар غمى غصه سى اوره ک داغلايار
كيم ائل ياراسين آچىب با غلايار ائل او جاغيندان كوز گتير میشم

شعر يمله سيزه سوز گتير میشم

ياور ائيله رم ائله او زومى ائللر اوره کدن سئوسه سوزومى
تقديم ائيله رم ايكلى گوزومى يانان اوره کدن اي ز گتير میشم

شعر يمله سيزه سوز گتير میشم

جهد ائیله

دوستوم یاشایشدا چالیشان یاخشی بشردی
 بئل باغلييە سەن اوزگەلرە بولکى هدردى
 سعى ائیله اولا آنلين آچيق ائللر ایچىنە
 وجدانىلە هر كىس گورە ايش یاخشى بشردی
 جهد ائیله حياتىندا گوزەل آثارىن اولسۇن
 انسانلارا دنىيادە قالان یاخشى اثردى
 آرزو مودور انسان ائدە انسانە محبت
 دنىيادە محبت نەھالى یاخشى شجردى
 انسان چالىشا یاخشى ايشه یاخشى طريقة
 حق يول گىئەنین بەھەسى آخردە ظفردى
 اينجىدە بىرىن دىل ياراسى وورما آماندىر
 دىل يارەسى خنجر يارا سىنداندا بتردى
 هر سوز دانىشاندا سوز آز اولسانە گوزەلدى
 معناسى اولا ھانسى سوزۇن قىيمتى زىرى
 ائللەرن اوزانق گىزمە قووش ائللەرە قاچما
 يادلارلا قۇنوشما بۇ سوزوم زىنگ خطردى
 چون ايستىيە سەن یاخشى ائرلر قالاسىندى
 سعدى كىمى سوپىلە، كى سوزو شەھد و شىكردى
 سلطان نجفدن آلىب آلهامىنى چوخلار
 عالمدە علەينىن سۆزى درىاي گەردى
 سۆزوار دئملى ائللەرە یاخشى خوشاغلىسىن
 ائل شاعرىنە ائل باخىشى مەنۋىزدى
 (ياسور) ائلىويين درد و غمىنەن ائله صحبت
 آنجاق ائله سۆز سۆپەلە كى درمان ائدە دردى

أونا پروانییم

حسینین عشقی تاروز قیامت افتخاریمدیر
 اگر بیر اعتباریم وار، آدی مین اعتباریمدیر
 من اولدوم بیر گوله عاشق گوزه‌للر گولستانیندا
 که گوللر ایچره عالمده گوزه‌ل اول گلعتزاریمدیر
 او دور شمع دل افروزوم اونا پروانییم دائم
 اونون عشقی وجود و مدا اولان صبر و قراریمدیر
 طبیب آختارما عالمده او شاهه دردیوی سویله
 اندن هر دردیوهد درمان منیم اول غمگساریمدیر
 یقینیم وار گدانی بوش یولا سالماز شه خوبان
 اون لطفی حیاتیدا صفالی نوبهاریمدور
 کرامت کانی دور عین علئ ابن ابی طالب
 یتیم و بینوایه یار و یاور اول نگاریمدیر
 ستمگر قوم دون سایسیز سنه جور و جفا ائتدی
 ائدن تحریر ظلمی خامه محنت نگاریمدیر
 گندیب معراجه باشین نیزه باشیندا کول اوستوندن
 چیخان دلدن بو غمده سوز آه پُر شراریمدیر
 اندیسن قانیله احیاء مقدس دین اسلامی
 سین پاک قانیوه قیمت وئرن عالمده تاریمدیر
 یتیشدی شامه اهل عصمت و عفت سراسیمه
 او شام شام پُر محنت منیمده شام تاریمدیر
 قلم یازما دایان باغريم، قان اولدی بو مصبه
 گواهیم آه پُر سوز و دو چشم اشگباریمدیر
 اونودماز اربابیم اوزن کرین (یاور) اولن لحظه
 قیامته او سلطاندان شفاعت انتظاریمدیر
 دیئر هر عاشق صادق حسینین کویی گولشنندی
 بو عالمده اونون آدی منیم ذکر و شعاریمدیر

شەھریار اوْلمز (ماتمیندە)

آذربایجان قلبی بیردهن دایاندی ائل او بامیز قارا رنگە بویاندی
 آغیریاتیب يو خلايانلار، اویاندی آیرى دوشدو بىزلىلە شەھریار
 عالم او لدو شەھریارا سوگوار
 گشتدى ھنر عالمینین سلطانى كۈچدو ادب با غلارینین باغانى
 قالدى بىزە يادگارلىق دیوانى او لدو يتيم آذربایجان ائللرى
 سۆلدۇ ادب گلشنینين گوللرى
 فلك اونو الييمىز دن آلېب دير آيرىليغىن غم او دونا سالىپ دير
 عزامارشىن او لکە مىزدە چالىپ دير آذرائىلى ماتمیندە آغلادى
^٨
 غم او دىلە اورە كلرى داغلادى
 شەھریارين مىثلى دنيا يە گلمىز شەھریارين هر كىمسە يېرىن وئرمىز
 اثرلىرى تا دنيا واردى او لمز آذربایجان شەھریارا فخر ائدر
 شەھریاردا بو ديارا فخر ائدر
 شەھریارين آدى سانى دىريدى بويوك شاعر اولانلاردان بىرىدى
 آذربایجان ادب سىئون يېرىدى يازدى ياور استادان بىر ياد او لسون
 اي شەھریار سىنин رۇحون شاد او لسون

تقدیم اولونور تمام شهداي اسلاما خصوصاً شهیدلر يميذه

بىر دنيز تك اوره گيم چرپىنيرى طوفان اليندن

ايستىم ايسته مىيېم فررادا جاق گردىش دوران

اوينادير معركه ايچره قالميشام مهلكه ايچره

گوى اوزون چولقا لايس بقاره بولودلار، گورورم ايلدرم ايستير

شاخاگويدن ياغارحمت ياغيشى قووايشى طوفانى، اولا آرام دنيزيم،

نه بىليم بلکه اوزوندۇر مايا چىكىدى، ئىنه ده

گور سينير قاره بولودلارگوئ اوزوندە، گونشه پرده چكىبدور
بورويوب هريانى ظلمات،

پس تلسماق نە يە لازمىدى دوزوم بلکه ياغاشن ياغيشيم،
قورتولام طوفان آليندەن، بويوك آرزومدى ازىلن
كى ائليم خوش ياشاسا، مندە خوشام، شىنىلىگ اولسون ائليمە
بوردوما دنيواركىن

تقدیم اولونور حضرت مهدی (ع)

گئجه دیر قارانلیق، آلب هریانی، دنیز اوزره سینیق
 بیرقايق کیمی دالقالار سورویور یورقون جسمیمی، طوفاندا
 یارادیب جانیمدا وحشت، دنیز دالقالاندیقجا
 بو خسته کونلومدن، قورخودان آمانسیز دائم قان دامیر
 بیلمیرم طالعیم، هارایا سورور، ائله بیل جسمیمی روحوم ترک ائدیر
 باخیرام هریانا قارادورقارا، نه ساحل گورسه نیر
 نه ده بیرگمی نه اولدوز سایر یشیر نه آی گورونور ائله بیل اولدوزسیز آی
 سیز دور بختیم منی بوگردابدان طوفان آلیندن قورتاران تانری دور،
 قورتاران تانری، دوزَم چاره سیز، سحره چیخام ایشیقلی گونشی
 داغین باشیندا، حُرمتله یاخیندان آلینی سیخام.

بزهندی چمن

سازاقین چاغیندا گول آچدی وطن
 ائلریم شاد اولدوب زهندی چمن
 قهرمان خلقیمیز چیخدلار چوله
 انقلاب نغمه سین سالدیلار دیله
 جاردوشدی قیزیل گون دوغوب دور سحر
 اوقدان سس گلدی یتیشیب ظفر
 بورودو هر یانا آزادلیق سسی
 یه تیشیب بهمنده یازین نفسی
 انقلاب شعله سی یاندیردی یاخدي
 دشمنین با غرینا سایسیزاوخ تاخدي
 سئوینجک لاله ل هارای سالدیلار
 ائلریم ظفرین، مارشین چالدیلار

من سئورديم

اولدو قان کونلوم الهى بو جهاندا نيله ييم
 كئچدى عمروم نى كىمى آه و فغاندا نيله ييم
 عاصى اولسام دا ^{الله} من سنه بئل باغلاديم
 اولماسان حامى منه سن سيز جهاندا نيله ييم
 بويشش اون گون عمرده شاد اولماديم دلدن ولى
 دولدو کونلوم مختىله بو زماندا نيله ييم
 من سئورديم شادلىغى آمما غم اولدو مونسيم
 قالميشام زندان غم آدلى مكاندا نيله ييم
 من آليم بوشدور اگر سن سن كرامت صاحبى
 اولماسا جانيم عذابىنдан آماندا نيله ييم
 بسکه دلدن آغلاديم ياور گوزوم گورمور داهى
 بىلميرم دريائى غمده غرق اولاندا نيله ييم

پاداش

قاره پرچم لر اسر عترت زهراييه (س) گوره
 يسيغيشار اهل ولاع عزت زهراييه (س) گوره
 كربلا شاهينه خاطر قورو لار بزم عزا
 بزمينه شيعه گلر عترت زهراييه (س) گوره
 يئركوي آغلار شه لب تشه و شهزاده سينه
 مُرغ حق ناله ائدر حسرت زهراييه گوره
 إئواولا مسجد او لا ياكه حسينيه اولا
 او خونار مدح و ثنا ميدخت زهراييه (س) گوره
 صاحب خانه آلار اجرييني حقدن هامييه
 نوحه خوانلار او خى ير محتت زهراييه (س) گوره
 بو عزاخانه نين آدلیم حکیمین شیعه تانیر
 بورا درد اهلى گلر حکمت زهراييه (س) گوره
 هامى صدقيله آلار حاجتىنى بوقاپidan
 بورا غمخوار گلر رافت زهراييه (س) گوره
 بشره لطف ائله ييب خالق سبحان جهان
 عالمى خلق ائله ييب حضرت زهراييه (س) گوره
 لطف حق شامل اولوب شيعه لره عالمده
 شيعه ده فخر ائدر خلقت زهراييه گوره
 حضرت فاطمه دن هركيم آلا درس حجاب
 حفظ ائدر عفتىنى عصمت زهراييه گوره
 جمله عشاق حسينى گوزون اللہ تىكير
 اي خدا ائيله نظر حرمت زهراييه (س) گوره
 شاعر و نوحه خوانين اجري قاليب اوزلرينه
 سنه (ياور)، سوزو ياز اجرت زهراييه (س) گوره

نظمی

نظمی ای بوبوک شاعر. هنراوگروندا چوخ ماهر. اولوبسان شعرده ساحر
 سنه چوخ فخر ائدر ایران. آنا یوردون آذربایجان
 ادبده شاهکارین وار ائل ایچره افتخارین وار. ماراقلی یادگارین وار
 حدیث لیلی و معجنون. ائدیب عاشقلری محزون
 همی اولدوز همی آیسان. هنرده سعدیه تایسان. ادبده بیر آخرچایسان
 واریندیر گنج تک خمسه. یازانماز خمسه هئچ کیمسه ...
 سینین آدلیم دیارین وار دیار دا افتخارین وار جهاندا اعتبارین وار
 ادب باغیندا باگبانسان هنر مولکوندہ سلطانسان
 ادب وارکن آدین واردیر هنر ده هر زادین واردیر گوزل ائلدہ یادین واردیر
 دئنن یاور سینین اوستاد او لا روحون همیشه شاد

هُنر مولکى

یوردو موزون ائللرى شيرين شيرين ديللىرى
وار صفالى أولكەمین اوورەك آچان چوللرى



شاعر اوغلۇن شهرىيار اولوب بويوك افتخار
حىيدر بابا دنيا دا سىندىن تاپىب اعتبار



هُنر مولكون گولشنى قىهرمانلار مَسْكَنِي
قوجامان شانلى ائلين اووه كىدىن سئورىنى



ساوالان تك داغىن وار باعچالارين باغىن وار
گوزه ل ييلاق قىلاققىن سوت قىماгин ياغىن وار



بىنۇشەلر چىمندە عطىر ساچىر سىمندە
شىلىگ ائدىر قىزىل گول گولور آنا وطنده



گول آچىب گولستاندا اوخور بااغدا باغاندا
بىزەنېب گول چىچكلىرى بىزىم آذربايغاندا



ياور حىرتىدە قالىرى حُسْنُوْي يادا سالىر
گوزه ل يوردا باخدىقجا حُسْنُوندَن إلهام آلىر

دوغوم گونو

دوغوم گونوندور بالا	شاد اولوب دئیر آنا
بالمام يوز ايلر قالا	اللهـدان ايـتهـيـرم



شاد اولوب گولور آنا	ايـلـگـلـيـبـ چـاتـيـبـ سـوـنـاـ
دـئـيرـ اوـزـ بـالـاسـيـناـ	اوـلـانـ گـوـنـونـ مـبارـكـ



يانير الوان چراغلار	گـوـلـ گـتـيـرـيـبـ قـوـنـاـغـلـارـ
ايـشـيـغـلـاـنـيـبـ اوـتـاـقـلـاـرـ	قـوـنـاـغـلـارـيـنـ شـوـقـيـنـداـنـ



باـشـ چـكـيـرـيـ هـرـ يـانـاـ	شمـعـيـ يـانـدـيـرـبـ آـنـاـ
أـزوـ أـلوـبـ پـرـوـانـاـ	قـوـنـاـقـلـارـيـنـ باـشـيـنـاـ



يانـاقـىـ يـانـاـ يـانـاـ	اورـهـ كـدـنـ دـئـيرـ آـنـاـ
دوـغـومـ گـوـنـونـدـورـ بالـاـ	منـيمـ بـوـيـوـكـ باـيـرـامـيـمـ

توى گونو

یانا ناقى یانا یانا

تسوی گونو گولور آنا

سینین تسویون آی بالا

دئیر مبارک اولسون



ایشـیقلاـنـیـب اوـتاـقـلـار

یانـیـرـالـوانـ چـراـغـلـار

گـولـورـ غـنـچـهـ دـوـدـاـقـلـار

تاـزاـگـلـىـنـ بـزـهـ نـيـبـ



خـوـشـ حـلـىـنـ دـسـهـرـ آـناـ

خـوـشـ حـلـىـنـ دـسـهـرـ آـناـ

نوـقولـ سـپـيرـ هـرـيـانـاـ

توـىـ خـونـجـاسـىـرـ گـورـنـدـوـ



آـلـيـنـدـهـ وـارـ گـولـدـسـتـهـ

داـمـادـگـلـىـرـ آـهـسـتـهـ

اوـيـنـاسـيـنـ بـوـيـوـ بـسـتـهـ

آلـ چـالـىـنـ شـنـلىـكـ اـولـسـونـ



گـوـيـلـوـنـ بوـتـونـ شـادـ اـولـسـونـ

آـنـاـ آـغـزـينـ دـادـ اـولـسـونـ

اوـرـهـ گـيـنـدـهـ يـادـ اـولـسـونـ

خـوـشـ خـاطـرـهـ يـوـ تـويـدانـ

ایکی بیت‌لر

آچا هر کیم قاپیسین حضرت زهرا یه گوره
 یئتر امدادینا حق نزهت مولایه گوره
 کربلا شاهینه خاطر قورو لار بزم عزا
 درد اولان کیمسه گلر عترت طاها یه گوره



توسل ائیله سه هر کیم علی اصغریمه
 شفاعتین ائده جاقدور خدای اکبریمه
 یانیب ستم اودونا بو جهاندا خیردا بالام
 خوشا اوکسکی یانا آلتی آیلیق افسریمه



ناکام اودوکی کربو بلا گورمیه انسان
 بیر گمر اوره ک کربو بلا آرزواتئدی
 اولسیم دییرم آل او زولنده بوجانیمدان
 افسوس، گوزوم کربو بلا گورمه دی گئتدی



یاورا دنیا ده درد اهلى یسانار
 سوز عشقین دردینی عاشق قانار
 دنیا میزدان سن گیلیلی اولما هیچ
 دوغدو غون تئز گیزله در آخر دانار

در مصیبت حضرت علی اصغر (ع)
«زبان حال خانم رباب (س) و امام حسین (ع)»

شە قوجاغىندا بالام قانينه غلطان اولدى
دین يولوندا نە گۈزل تەحفە جانان اولدى
گىلدى سىس درگە حقدن دئدى اى سبىط امين
بالاوا مەشتري بىم اصغريوه اولما حزىن
باغ جىتتەه اوونون منتظرى واردى يقىن
دین يولوندا او بالان فدية قرآن اولدى

أوخ دىئننە سىنە، بىر قورخولى يېل اسىدى اوغۇل
بوغازىن تىغ تك أوج شۇبەللى أوخ كىسىدى اوغۇل
قان اىچىننە آل آياغ چالما داخى بىسىدى اوغۇل
شەھدارلار ھامىسى قرآنًا قربان اولدى

خالق ھر ايکى عالم سىنە عزىز وئىردى
اولمۇسان باب خوائىج سىنە قىمت وئىردى
تا قىامت سىنە رفعت ھمى شوكت وئىردى
بالاما كىيم متوصىل أولا درمان اولدى

مختصر عرض ائلهدىيە مَدح علی اصغر اوچون
گۈزوموز واردى چوخ إكرا� ائلىيىن سرور اوچون
بلکە بىر توشه أولا آللە منه محشر اوچون
سوز يازاندا سىنە، ياورده پېرىشان اولدى

(شهره شهره)

تا اهل صفا سرخوش و مستانه دولانسین	ساقی کرم ائت بزمه پیمانه دولانسین
گل لطف ائله ساقی گینه پیمانه دولانسین	بُو بزمه گلن تشنه صهای ولاءدور
بُو بزمه گرک عارف و فرزانه دولانسین	خوشدور کی علینین آدی زینت و ثره بزمه
عشق اهلی گرک ذهرده جانانه دولانسین	عشق جهان یاخشی تانیر لار یولو ناصح
قوی کوی خراباتیده رندانه دولانسین	هر عاشيقی ناصح ائله مه چو خدا ملامت
شمین باشينا قوی ذلی پروانه دولانسین	پروانه کی شمعین شریندن حذر ائتمز
قوی شاعر آزاده حکيمانه دولانسین	تبزيز آنا يوردمدير او زوم شهره شهرم
(قویما بو حرمخانیه بیگانه دولانسین)	«واحد» نه گوزه ل سویله دی بو مصرعی یاور

(بزم محبت)

يا بزمگهين عاشق ديوانه سى اولماز	هر بزمه دئمه عاقل و فرزانه سى اولماز
بو ميکده نين سانماکى مستانه سى اولماز	بير ميکده وار مين قاپسى دائم آچيقدور
اونلارهامي عشق اهلی دى يىگانه سى اولماز	بو رمز محبت دى جماعت يغىشارلار
بحر كرمين سویله مه پیمانه سى اولماز	خوش حالينا هر كيم ايچه مى جام ولادن
كىمدى دىيە بو شمعه کى پروانه سى اولماز	مولادي اونون ساقى سى شاهلاردى غلامى
عشق، کە غير از على ، جانانه سى اولماز	عشاق على جانلارينى قربان اندرلر
اما اویشە گىتمە کى فرزانه سى اولماز	(ياور) گشت اورا چوخلى اوېرده يىلن اولسون

«قسمت»

روزگارین قويولوب سُفره سينه نُقل و نابات
آز يَا چوخ اولسادا قِسمت گينه شيريندي حيَات
حيف دور عمر و موزى تلخاً نابود ائلياخ
سنده ترز گل گؤزليم آزجا اونا حالوادا قات
دم غنيمتدى ييزه هرنـه عمـورـدـن قالـيرـى
گـوزـلـهـ الـدنـ وـئـرـهـ سـنـ عـمـرـ قـايـتمـازـ هيـهـاتـ
يـيـرـ مـشـلـ وـارـدىـ دـيـلـلـرـ بـوـگـونـسـونـ وـارـ صـابـاحـىـ
گـونـ بـوـ گـونـدـىـ دـئـمـيـاـقـ،ـ گـلـ صـابـاحـينـ فـيـكـرـينـىـ آـتـ
مـرـدـومـ آـزـارـ اـولـانـسـينـ وـارـدىـ وـجـودـونـداـ حـسـدـ
ولـىـ غـيـطـهـ اـئـلـهـ ماـقـ يـاـخـشـىـ دـىـ گـلـ رـاحـتـ يـاتـ
(ضـيـاءـ) دـوـسـتـوـمـ يـيـرـىـ وـارـ يـادـ اـولـونـاـ شـعـرـيمـدـهـ
چـونـ اوـ درـدـ اـهـلىـ دـىـ،ـ دـوـزـ يـوـلـ گـثـدـنـهـ وـارـدىـ نـجـاتـ
صـحـبـتـ عـشـقـ قـالـانـدـىـ بـوـ جـهـانـداـ (يـاـورـ)
شـبـتـ اـلـمـ دـقـرـبـوـهـ ماـ دـيـراـ بـرـنـ مـطـلـبـهـ يـاـپـ

بسمه تعالیٰ

آی منیم ئولدوزوم آی منیم آییم
سن سن حیاتیمدا بھاریم یايم

محبت ملکونه آی آخرچایم

گوزلریم گوزه لیم گوزله بیرسنى
بو جمعه یا مولا سئویندیرمنى

ای عدالت سئون عصریده ولی
افخارین اندر حضرت علی

ای هامی دللره نور مُنجلی

همیشه یای به قیش جوشقون بولادقسان
گلشنده بیرگوزل گللى بوداقسان

یام یاشیل با غیمسان گللى گلشنیم
عمرومون یازیسان یاشیل چمنیم

گینه ده سئیوم سنده اول منیم

منده چوخ سئیرم اور کدن سنی
بلبلده چوخ سور یاشیل چمنی

هجریوبن يولوندا در بدر اولدوم
بو بولدا تو کنمز غملره ذولدوم

گل کیمی بوداقدا سارالیب سولدوم

آرزیمدور اولکه میز بارلی باغ اولسون
دئه یاور هر زمان ا.. یار اولسون

«سخام آمارر» پ

هانى بىر كىمسە دئىسىن عمر بويو كام آپارىر	ظاھرا باخما اونا چىخ اونى ناكام آپارىر
خوش اونون حالىنە كى خلقينە خدمت ائلەيىر	هامى سوپىلر بو جهاندا او فقط كام آپارىر
فلكىن ايشلىرىنى كىمسە أزىزدىن بىلمىز	مادر دهر دوغور خام گىزىرسە خام آپارىر
بو طبىعتدى عوض ائيلە مك اولماز ايشىنى	كيم اولور بىك أجل مەردەمە اعلام آپارىر
ذوق صىادە باخىن دام قورۇر مخلوق اوچون	گور نىچە صىدى دوقور ساكت و آرام آپارىر
وارلى اولسا بىرى يابىخسول اولا فرق ائلەمزر	ھەنفىزىن باخاسان انسانى آلام آپارىر
واى اونون حالىنە كى خالقى ياددان چىخادا	أولسەدە ايتكىن اولە دھر اونى گەمنام آپارىر
عشق مجىنونە باخىن باد صبا رحىمە گلىرى	مجىنون آشته حالىن لىلىيە پېغام آپارىر
آفرىن شاهىدە كى «ياورىدە» يىاد ائلەدى	يئرى وارسا بو غىزىلە قورى بىر نام آپارىر